

Тиширыу сууда жууунады,
Черекде жашил ауана да,
Суу мылы этген имбашларын
Къучакълайла кюн таякълары,
Жашил чапракъла бетине
Тиедиле, милы этине.
Къууаиады, аркъасын жуууп,
Акъ чыранланы жарыкъ сууу, -
Тиширыу сууда жууунады,
Акъ булутлагъа къууанады,
Ышарады чокъуракъ суугъа,
Узакъ болмай агъаргъан таугъа,
Тийреде жашил агъачлагъа, -
Ауанада мылы ташлагъа,
Ёшюнлерине тийген кюннге,
Аныча суугъа кирген кюннге.
Тиширыу сууда жууунады,
Жер энтда кайгъысыз болады:
Такъырлыкъ, ёлюм, тутмакъ да жокъ,
Мирзеу битмез топуракъ да жокъ,
Сау дуня урушсуз къалады -
Тиширыу сууда жууунады!..
1964